

傅璇琮 徐海榮 徐吉軍 主編

五代史書彙編

柒

杭州出版社

傅璇琮

徐海榮

徐吉軍

主編

五代史書彙編

柒

杭州出版社

總目

甲編

舊五代史考異		清	邵晉涵撰	一
五代史記纂誤		宋	吳 縝撰	五四
五代史志疑		清	楊陸榮撰	五八五
五代史記補考		清	徐 炯撰	六七九
五代史記纂誤補		清	吳蘭庭撰	二七七
五代史記纂誤補續		清	周壽昌撰	一四六三
五代史記纂誤續補		清	吳光耀撰	一四七七

乙編

玉堂閑話		五代	王仁裕撰	一八二九
于闐國行程錄		五代	平居誨撰	一九三七

周世宗實錄

.....

宋王溥撰 一九四五

五代會要

.....

宋王溥撰 一九六一

五代登科記

.....

宋韓思撰 二三六七

洛陽搢紳舊聞記

.....

宋張齊賢撰 二二七七

五代史闕文

.....

宋王禹偁撰 二四四一

五代史補

.....

宋陶岳撰 二四六三

五代春秋

.....

宋尹洙撰 二五三七

五代名畫補遺

.....

宋劉道醇撰 二五五七

五代詩話

.....

清鄭方坤撰 二五八一

五代春秋志疑

.....

清華湛恩撰 二九九五

補五代史藝文志

.....

清顧懷三撰 三〇四五

補五代史藝文志

.....

清宋祖駿撰 三一〇五

丙 編

五國故事

.....

宋佚名撰 三六九

九國志		宋	路振撰	三〇三
十國春秋		清	吳任臣撰	三三八
釣磯立談		宋	史溫撰	四九九五
南唐近事		宋	鄭文寶撰	五〇三九
江表志		宋	鄭文寶撰	五〇七一
江南餘載		宋	佚名撰	五〇九九
江南別錄		宋	陳彭年撰	五二五
江南野史		宋	龍衮撰	五四五
南唐書		宋	馬令撰	五四一
南唐書		宋	陸游撰	五四五
唐餘紀傳		明	陳霆撰	五六一三
南唐拾遺記		清	毛先舒撰	五七七五
補南唐藝文志		清	王振民撰	五七九三
王氏聞見錄		五代	王仁裕撰	五八三三

鑒誠錄		五代	何光遠撰	五八五九
幸蜀記		宋	居白撰	五九五五
野人閒話		宋	耿煥撰	五九八三
錦里耆舊傳		宋	句延慶撰	六〇一九
蜀檣杙		宋	張唐英撰	六〇五九
益州名畫錄		宋	黃休復撰	六一二一
吳越備史		宋	錢儼撰	六一六一
葆光錄		宋	陳綦撰	六二八一
三楚新錄		宋	周羽翀撰	六三一
南漢書		清	梁廷枏撰	六三三一
南漢叢錄		清	梁廷枏撰	六五七一
南漢記		清	吳蘭修撰	六五九五
南漢地理志		清	吳蘭修撰	六六八七

校點說明

吳任臣，字志伊，一字爾器，浙江仁和人（今屬杭州）人。清康熙十八年（一六七九）應博學鴻儒試，列二等（見清李元度《國朝先正事略》卷二十七），進翰林院，授檢討。充纂修《明史》官。顧炎武曾稱其「博聞強記，羣書之府，吾不如吳任臣」（見四部叢刊本《亭林文集》卷六《廣師》）。其著作有《周禮大義補》、《春秋正朔考辨》、《山海經廣注》、《字彙補》，及此《十國春秋》。其事迹見《清史列傳》卷六十八，又附見《清史稿》卷四八四《文苑·潘耒傳》。

《十國春秋》共一百十四卷，計吳十四卷，南唐二十卷，前蜀十三卷，後蜀十卷，南漢九卷，楚十卷，吳越十三卷，閩十卷，荆南四卷，北漢五卷，後附《十國紀元世系表》一卷，《地理表》二卷，《藩鎮表》一卷，《百官表》一卷。吳任臣記述十國君主事跡及重要歷史事件，除依據《資治通鑑》及歐陽修《新五代史》外，還廣泛採輯五代、兩宋時期的各種雜史、野史、地志、筆記、類書、文集。清洪亮吉在《北江詩話》中贊云：「吳任臣撰《十國春秋》，搜採極博。」吳任臣還用小注的形式，引用不少史料，對正文作補充，以備異聞，資考證，有些則是辨駁舊史的謬誤，頗似裴松之注《三國志》，得到清《四庫全書總目提要》的贊許。清代中期著名史評家王鳴盛特別肯定《十國春秋》後面的幾個表，謂：「此書佳處在表。」《地理

表》與歐陽氏《職方考》參觀，則五代十國全局如見。至十國之官制，雖大抵沿唐，而一時增改，亦已紛冗不可爬梳，任臣為作《百官表》，甚便考覽，尤其妙者也。」（《十七史商榷》卷九十八）

但書中記述也有疏誤之處。如卷四十四前蜀列傳有《趙蕤傳》，並云「乾德時著《長短經》十卷行世」。乾德為前蜀後主王衍年號。實際上趙蕤為唐玄宗時人，《新唐書》卷五十九《藝文志》三，著錄有趙蕤《長短要術》十卷，稱唐玄宗開元時曾召其入宮，但他不赴。詩人李白於開元時曾作詩懷念，有《淮南卧病書懷寄蜀中趙徵君蕤》（王琦注《李太白全集》卷十三）。又如卷五十二有《歐陽迴傳》，卷五十六又有《歐陽炯傳》，實為一人。

《十國春秋》撰成於康熙八年（一六六九），約於康熙年間刊印問世。乾隆五十三年（一七八八），周昂據初版刻印，並改正若干錯字。此次校點，即以周昂重刻本為底本，並參校新舊《五代史》、《通鑑》、馬、陸《南唐書》、路振《九國志》，以及《宋史》等。原書有誤字、漏字的，即參校他書加以正補。如卷七吳《周本傳》：「累遷至淮南馬步使。」今據路振《九國志》卷四《周本傳》，於「步」下補「軍」字。卷十七南唐《後主本紀》載開寶五年二月，改「翰林院為文館」。今據宋李燾《續資治通鑑長編》卷十三，於「文」前補「修」字。類此者均有校勘記注明。

又，周昂重刻此書時，又就其平時讀書所得，輯集有關史事三百餘條，輯為《拾遺》、《備考》兩卷，作為全書的一百十五卷和一百十六卷。但周昂所輯，也有漏缺，此次也予以校補。如卷一一五引羅隱《嚴陵釣臺》文，「如晚蒼苔以言之」，「蒼苔」二字原為空缺，今據羅隱《諷書》卷五所載此文補。又同卷

引黃滔詩「寺寒三伏雨」，「寺」字原為空缺，今據《全唐詩》卷七〇四黃滔《遊東林寺》補。

徐敏霞

四庫全書總目提要

十國春秋一百十四卷

國朝吳任臣撰。任臣字志伊，仁和人。康熙己未召試博學宏詞，授翰林院檢討。任臣以歐陽修作《五代史》，於十國倣《晉書》例為載記，每略而不詳，乃採諸霸史、雜史以及小說家言，並證以正史，彙成是書，凡吳小四卷，南唐二十卷，前蜀十三卷，後蜀十卷，南漢九卷，楚十卷，吳越十三卷，閩十卷，荆南四卷，北漢五卷，十國紀元、世系表合一卷，地理志二卷，藩鎮表一卷，百官表各一卷。其諸傳本文之下，自為之註，載別史之可存者，蓋用蕭大圜《淮海亂離志》、楊銜之《洛陽伽藍記》、宋孝王《關東風俗傳》、王邵《齊紀》之例。劉知幾《史通·補註篇》所謂「躬為史臣，手自刊削，除繁則意有所吝，畢載則言有所妨，遂乃定彼榛楛，列為子註」者也。其間於舊說虛誣，多所辨證，如田頔擒孫儒，年月則從《吳錄》，而不從《薛史》；呂師周奔湖南，年月則從《通鑑》，而不從《九國志》；南唐烈祖世家則從劉恕《十國紀年》及《歐史》，而不從《江南野史》、《吳越備史》，皆確有所見，其他類似者甚多。五表考訂尤精，可稱淹貫。惟無傳之人，僅記名字，列諸卷末，雖用陳壽《蜀志》附載無傳諸人之例，然壽因楊戲有《季漢輔臣贊》，故繫之戲傳之末，非自列其名字於中，虛存標目也。是則貌同心異，不免於自我作古矣。（卷六六史部載記類）

十國春秋序

寧都魏 禧冰叔撰

錢塘吳任臣撰《十國春秋》成，以示寧都易堂魏禧而屬之序。禧不敏，不敢辭，於是序之曰：史才之難也久矣，世之言史者，率右司馬遷而左班固。禧嘗以謂遷當以文章雄天下，史之體則固為得，蓋史主記事，固詳密，於體為宜，遷則主於為文而已。文欲略而後工者則勢不得更詳，而歐陽修《五代史》亦於事為略，至十國尤不備。任臣生七八百年之後，傳聞闕絕，書籍散亡，毅然起而補之，其功甚鉅，事亦最難。禧讀其書，采擇詳博而精於辨覈，為文明健有法，自《史記》、《漢書》、《五代史》而外，豈亦有能先之者哉！禧惟天下之勢，分之久則必合，合之久則必分，而其自合而分之也，天下魚潰肉爛，不可收拾。當時所號為豪傑者，非有殊尤絕異之才，其德力皆不能相一，峻法重斂，戰爭不休，生民之苦，於是為極。然吾嘗觀分崩之際，其人才每為特盛。蓋天下之治，禮法明而風俗厚，人心安和，雖有奇才異能，皆帖首抑志以就繩墨。及其亂也，憤鬱而思動，鋌而走險，上焉者紀綱法度不立，而其下得肆志妄作，以自盡其才。故自周、秦之末以及五代，莫不有特起之英，蹕厲沈深自奮於功名，王侯將相皆以智力相取，而非有倖得。當其時，有大力者出而驅之則合，無大力者驅之則分，彼帝制自為角立爭雄長者，要

皆韓、彭、馮、鄧、秦、李、曹、石之流亞，然後知天下蓋無時而無才，顧所以用之者何如耳。分崩之際，最不足數，莫如後五代，而十國中人才炳烺可觀者既已如是，任臣是書豈獨補古史之闕、取備見聞云爾哉！士不幸生其時，當思所以自奮，毋徒碌碌以苟全性命為自得。且觀其得，則知十國之能分者何在；觀其失，則知十國之終於分而不能合者何故。夫能以智力爭城略地，而不足定天下之有規模，能屈志協力以得將士之用，而不能深仁厚澤以得民心。嗚呼！此有志之士所為掩卷長太息者也。任臣志行端慤，博學而思深，著有《山海經廣注》、《字彙補》，已版行，而是書關係古今尤大，惜無有能授之梓人以傳於世者。《傳》曰「人之欲善，誰不如我」，吾知其必有望也已。

康熙十一年辛亥八月望日。

十國春秋序

古作史有二體，曰編年，曰紀傳，而紀傳實創始於司馬遷。自《史記》暨前、後《漢書》以迄《遼》、《金》、《元史》，凡二十一部，藏諸內府，布之學省都邑，亦云盛矣。然古史於正統為特詳，至偏霸人物，事實恒略而不備，《晉書》僅列劉、石、慕容等於載記。魏崔彥鸞撰《十六國春秋》以補之，今雖殘闕非全書，而視《晉史》已稍稍加詳。若歐陽《五代史》附《十國世家》於末，中間敘事雅稱簡潔，然頗多遺漏，立傳者獨孫晟、劉仁贍數人而已。又於十國事時有未覈，如《閩世家》，以閩主昶弟繼恭為其子，《楚世家》載彭師鬻奉衡山王事不及廖偃，《吳越世家》言自鏐世常重斂其民以事奢侈之類，讀史者或有所不足焉。任臣以孤陋之學，思取十國人物事實而章著之，網羅典籍，爰勒一書，名曰《十國春秋》，為本紀二十，世家二十二，列傳千二百八十二。人以國分，事以類屬。又為《紀元》、《世系》、《地理》、《藩鎮》、《百官》五表，總一百一十四卷。雖世遠人湮，書冊難考，乃鑑觀諸邦，略得而論。大抵南唐敦文事，江左以興；吳越效恭順，國祚克永。楚以侈靡喪厥家，閩以淫暴傾其國；楊氏孱弱而隨失，高氏無賴而倖存。前、後蜀之恃險無備，其迹同也；南、北漢之先滅後亡，其勢異也。知乎此，而十國君臣之得失，政治之盛衰，傳世長短之數，國勢順逆之形，夫固可以槩見而得其要領矣。或謂李茂貞據岐兩世，父子相傳，以諸國相衡，是為荆南之匹也，茲進南平而黜岐者何？蓋史從前文，亦仍十國世家之舊云爾。至於書

名《春秋》者，《墨子》云「吾見百國春秋」，春秋，古史名也。前此有《楚漢春秋》、《魏氏春秋》，今則仿彥鸞之書而繫以「春秋」也，若云孔子嘗修魯《春秋》矣，愚又奚敢上儗聖人筆削而甘蹈僭亂之罪哉！書成，聊著纂述之大指如此。

康熙八年己酉孟夏，仁和吳任臣撰。

凡例

宋初路振編《九國志》，不列南平，以南平止江陵一隅，不予其為國也。後振孫綸作《荆南志》續之，或稱《十國志》焉。神宗時劉恕又著《十國紀年》，蓋從《五代史》例也。今十國仍以歐《史》為斷，而南平易曰荆南，則從溫公《通鑑》之稱。東漢今稱北漢，亦從《通鑑》。

帝稱本紀，王稱世家，古史家體也。後世非天子而遽列本紀，誤矣。卷中帝則斷為本紀，王則降於世家，間有子孫即帝位而追崇祖考，如吳太祖、烈祖、高祖、閩太祖，南漢烈宗，尊諡則從後日，而敘事猶號世家，所以紀其實也。南唐後主降江南國主，而猶列本紀者，循馬、陸二書之稱，《唐餘紀傳》創為國紀，古史又無其例，故姑從《南唐書》云。

是編本紀、世家中，本國稱帝稱王者，辭從主人也，他國稱某主某王者，重內而略外也。至於唐昭帝、昭宣帝，宋藝祖、太宗，獨稱帝以異之，亦《春秋》尊王朝大居正之義。帝與后稱殂，王與妃、夫人稱薨，太子、世子亦稱薨，諸王亦稱薨。帝后不稱崩者，仿《通鑑》紀曹魏諸君之法也。

馬令《南唐·烈祖本紀》，先書名，繼書王，繼稱帝，至《元宗本紀》末年稱國主，《後主本紀》稱國主，此後人述前代之史，與臣子執筆者較殊也。愚竊取其義，以為本紀、世家書法。

改元易號，自昔傳聞異辭，本書所紀年號，一以碑文是正。如吳越天寶、寶大、寶正，雜見墓碑、寶

幢，而北漢天會紀年，則取證於李憚《千佛樓銘》。蓋金石遺文，往往足糾前史譌謬，故愚於卷中多錄廟碑、塔文於注，以佐史書闕漏，而考覈不至無稽云。

崔鴻《十六國春秋》、陸游《南唐書》，每年必冠以年號，所以標正朔，防參錯也。本書具遵其法，即無事，必書曰某年，庶幾綱舉目張，有條而不紊耳。

十國本紀、世家中間，師曰我師，官曰我某官，皆各就本國而稱也。《史記·田齊世家》云：「魯伐我，入陽關，」《晉伐我，至博陵》。《趙世家》云：「秦拔我榆次。」《南史·宋高祖傳》曰：「鞏縣人宗曜於其田所獲嘉禾九穗同莖，帝以獻，晉帝以歸於我，帝冲讓，乃止。」蘇轍《古史·楚世家》曰：「嬰齊伐鄭，樂書救鄭，遇於繞角，我師還。」古人書法原有此例，據此可釋後人稱前代為我之嫌矣。

十國列傳，首后妃，次太子、世子，次諸王、公主，次諸臣，而以方外終篇。人因國分，各為經緯。大抵與承祚之《三國》、彥鸞之《十六國》先後部署，略從同焉。

劉道原既作紀年，又擬作十國藩鎮、百官諸志，竟未卒業，至今闕如。愚於卷末勒成五表，而諸國年號、方輿之不齊，宗支、官秩之崖略，已瞭然可概睹已。

五代距今六七百年，世代久遠，正史故多遺失，而歐《史》載十國事尤缺略。是編所采古今書籍，無慮數百餘種，若《冊府元龜》、《太平御覽》、《資治通鑑》、《通鑑考異》、《文獻通考》、《續文獻通考》、《玉海》、《說郛》、《朝野雜記》、《津逮秘書》、《史纂左編》、《新舊唐書》、《唐會要》、薛氏《舊五代史》、歐陽《五代史》、王溥《五代會要》、陶岳《五代史補》、尹洙《五代春秋》、《五代史闕文》、《五代通史》、《梁編遺錄》、

《九國志》、《五國故事》、《十國紀年》、《宋史》、《東都事略》、李燾《續資治通鑑長編》、《吳錄》、《稽神錄》、《江淮異人錄》、《妖亂志》、《淝上英雄錄》、范成大《吳郡志》、馬令《南唐書》、陸游《南唐書》、陳彭年《江南別錄》、龍衮《江南野史》、鄭文寶《南唐近事》、《唐餘紀傳》、《江表志》、《釣磯立談》、《史外小錄》、《耿先生傳》、《南唐拾遺記》、《蜀檣杌》、《錦里耆舊傳》、李昊《蜀書》、《蜀國春秋》、《全蜀藝文志》、《成都見聞錄》、何光遠《鑑戒錄》、《北夢瑣言》、《三楚新錄》、《湖湘故事》、《楚紀》、《吳越備史》、《順存錄》、《錢氏家乘》、《葆光錄》、《吳越改元辨》、《兩朝貢奉錄》、《家王故事》、《吳興藝文志》、《兩浙名賢錄》、《武林舊事》、《楓窗小牘》、《閩王事蹟》、何氏《閩書》、林誥《閩中記》、《晉安逸志》、《閩海叢書》、《榕陰新簡》、《陳鳴鶴閩中考》、章仔鈞《族譜》、《金鳳外傳》、《嶺南文獻》、吳萊《南海古蹟記》、《江陵志餘》、《晉陽見聞錄》、《遼史》、《郡縣釋名》、歐陽忞《輿地廣記》、樂史《太平寰宇志》、祝穆《方輿勝覽》、《茅山志》、《洞霄宮志》、《兩廣名勝志》、《金陵志》、《一統志》、《廣輿記》、《湖廣通志》、《八閩通志》、梁克寬《三山志》、《廣東通志》、《浙江通志》、《杭州府志》、《西湖志餘》、《紹興府志》、《嚴州府志》、《淳安縣志》、《肇慶府志》、《海鹽圖經》、《中都志》、《武林梵志》、《名山記》、《合璧事類》、《海錄碎事》、《七修類藁》、《職官分紀》、《鄭氏書目》、《國史經籍志》、《日涉編》、《天下碑記》、王象之《碑目》、《五燈會元》、《高僧傳》、《列仙通鑑》、《劍俠傳》、《圖繪寶鑑》、《宣和畫譜》、譚子《化書》、彭曉《參同契註》、《東國通鑑》、《馭交記》、《輟耕錄》、《實寶錄》、《容齋三錄》、《太平廣記》、《青箱雜記》、《二老堂雜志》、《玉堂清話》、《太平清話》、《廣博物志》、《清異錄》、洪遵《泉志》、《文苑英華》、《宋文鑑》、《宋文選》、計敏夫《唐詩紀事》、《金荃集》、《花間